

آونه درانی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآزاده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خانه

اخطارات
آبونه بدلی پشیندر .

مسئله موافق آثار مع المنونیه
قبول اولتور . درج ایدلین
یازیلر اعاده اولتاز .

الشیخ الاسلام

سر ۱۳۳۰ ♦♦♦ ۱۰ ♦♦♦ ۱۳۳۹

آدره من تبدیلنده آیریجه
۵ غروش کوندورمیلیدر .

مکتوبلرک امضای واضح
واوقواقلی اولسی و آبونه
مره نومروسی محتوی
بولوغنی لازمدر

ممالک اجنبیه ایچون آبونه
اولانلرک آدرس لرینگ
فرانسجه یازلسی رجا اولتور .

پاره کوندردلیکی زمان نهیه
دائر اولدینی بیلدیرلسی
رجا اولتور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

جلد ۲۲

۲۳ آغستوس ۱۳۳۹

* پنجشنبه *

۱۰ محرم ۱۳۴۲

عدد ۵۵۳-۵۵۴

آنغلیقان کلیساسنه جواب

ترقیات و تألیفات اسلامیه هیئت علمی رییس عالی شیخ عبدالعزیز هادرسه افندی مضرنلری طرفندره تألیف بو بودولوب شرعیه
و طایف مبلدسی طرفندره آنغلیقانه کلیسانه کوندردیلرک اوزره آیریجه طبع اولونمقده اولانه جوابدر :

دینه اسلامک فضائلی

چیزدیکی احکام داخلنده اجرای عدلی امر ایتمش و حضور الهیده
ناصیل مسؤل ایسه بوتون مسلمانلره فارشی ده کندیسینی اولیلجه
مسؤل طومشدور . بناء علیه حقندن عدول ایتدیکی کی شریعتک تعیین
ایتدیکی شرائطه کوره کندیسینی خلع یاخود قتل ایتمک جمله سنک اوزرینه
واجب اولور . آرتیق خلیفه رسول للهک مسلمانلقده کی موقعی بویه
اولورسه رجال دین ایله دیگر بوتون مسلمینک موقعلری نه اولوق
ایجاب ایدر ، دوشونولسون .

یوقاریدن بری سوبله دکلامزدن احکام اسلامیه یک نه دیمک اولدینی
آ کلاشیلمشدر . آنجق بوندن دیگر ملتلرک تاریخنده کی نه اوقراتیک
طرز معلومی آ کلاشیلماق ایجاب ایدر . زیرا او طرزده کوره حاکم ،
نشریع و اجرا خصوصنده اللهمک و کبلی در . خلق کندیسنه اطاعت
مجبوریتده در . هیچ کیمسه ایچون اونی تحطنه ایتمک ، مناقشه به
حکمک ، یاخود او امرینه مخالفتده بولونمق ممکن دکلدور . زیرا
اولنلرک نظرندره « سلطان الهی » معصومدر . کندیسندن برشی
سوبله من ، بوتون سوبله دیکی من عنداللهدر ؛ بناء علیه شریعتدر ، دیندر .

بونک ایچوندرکه رجال دینه فارشی چهار آچیلیمسینی ، میلیونلرجه
انسانی او بیرنجی مخلوقلرک بجه سندن تخلیصه چالیشیلیمسینی تلقین
ایتدیکی اساسلرک اک باشنده کورسیورز .

ایشته بوکیلرک شرنندن الله مؤمن قوللرینی اسیرکه مشندر .
اسلامک مسلمانلری نه درجه نه قدر صیانت ایتدیکی اک واضح بر صورتده
آ کلاشیله بیلیمک ایچون خلافت مقامی مثال کتیره جکوز . چونکه
خایفه اقوام اسلامیه آره سنده علیه الصلوة والسلام افندیملرک مقامنه
قام اولقله دینی مرتبه لرک اک یوکسکی اشغال ایتمش بولونیور .
شیمدی مسلماناق بر خلیفه بی هیچ بر صورتله لایحطی کورمیدی
کی کتابک ، سنک نه تفسیری ، نه ده تعدیلی امتیازی و افراد بشردن
برینک کنهانی باغیشلامق ، یاخود کیمسه بی دائرة عفراندن قوغمق ،
یاخود کیمسه نک عقیده سی اوزرنده تحکم ایده بیلیمک حقی اوکا بخش
ایتمز . حق قاضیلرک موقعی اونک مقامندن ده یوکسکدر . چونکه
ویردکاری حکمی نه ابطال ، نه تعدیل ایتمک ، نه ده محکومی عفو ایتلک
قدرتی دین کندیسنه ویزمش دکلدور . اسلام خلیفه به یالکیز شریعتک

ایشته سلطنت دینه ، سلطنت روحانیه ، کلیسا نك سلطنتی ، رجال دینه نك سلطنتی کی تعبیرلردن غیر مسلم امتلرک آکلادینی معنی بودرکه اسلامک روحنه ، اساسلرینه وقوف اولیان رجوق مسلمانلر مسئله بی قاورایه میورلردن آجدینی رخنه لری یوقاریده تصویر ایتدی کمز کلیسا تحکمی اوموزلردن آتمادخه سماعت یوزی کورمه یں امتلرک چیغری طومق ایسته یورلر . بزله امیزکه شاید نصرانیت مسلمانلرک طائفه لر آرمسند کی فرق لری ابدیاً قالدیران احکامی احتوا ایتسه یدی قرون وسطی دینیان اومظم دورلردن کلیسا نك ارتکاب ایتدیکی فایع یوزدن غربک تاریخی بویه سیم سیاه اولمازدی ، وعصرلرجه یونلرنده طوروب کندی لری سفیل ایدن زنجیر لری قوباروب آتیه یلمک ایچون آقیدق لری قانک دامله سی بیه دو کولمزدی .

کلیسا زجالی اسلامک مسلمانلر حسابنه هیچ بر زمان قبول ایدمه جکی بر استبدادی قرون وسطاده ، حتی یاقین زمانلره قدر ناصیل یوروتدیه هندک ، چینک کاهنلری ده طوتدیلر خلقه الهلری غضوب وشدید صورتلره تصویر ایتدیلر . قربان ویرمدکجه حدت لری یاتیشدیرمق امکانی اولمادیغی وبوقربانلرک آنحق کاهنلر واسطه سیله واونلر طرفدن اوقونه حق معین دعالره مستجاب اوله ییله جکی تلقین ایتدیلر . بونک ایچون معبدلره کیدن خلق آلله رینه تقرب مقصدیه کتیردکارنی خادمه لره تسلیم ایدر . اونلردن ده کاهنلر آلهرق معتاد اولان آیینلری نه ایسه رینه کتیرلردی . صاحب لری اولدق لری یرده بونلره باقار طوزورزدی . کاهنلر بو وسیله ایله خلقتک وجدانی اوزرنده تحکمه یوک بولدی . چونکه هرکس ایسته دیکی کناهلردن کنیدی قورتاره حق رمنجی به احتیاج حس ایدیوردی . لکن الهلرک مرحمت قاپولری انسانلره قاپالی ایدی . بونلری آنحق او کاهنلردن بری آجه ییلدی . صوکره هرکس کاهنلر طرفدن مرتب عباره لری ، آیینلری مطلقاً معبدک درت دیواری آرمسند یه کاهنلردن رینه اقتدا ایتش اولادیی حالده اوقویه حق ، یاخود ادا ایدمه جکی ، دیگر طرزده الهلره نه عبادت ، نه تضرع امکانی یوقدی .

کاهنلر بوصورتله طبق احبار یهودک وکلیسا رجاللک الدن ایتدیکی قدرته صاحب اولشلردی . بوتون قبولری آنحق کنیدی هوسلری نظمین ایدنبره قارشنی آجوب دیکرلرینه قارشنی ابدیاً قاپا یورلردی . یوبولدن صوبولمادی ثروت راقادیلر ، بوتون احراری اسیر ایتدیلر . سوردکاری اذواق ایله دالقلری هوسات یله تاریخ عالمده عبرت اولدیلر . دین اسلامی کوندرن فاطر حکیم رجال دین آلله باشقه امتلره اصابت ایدن فلا کتلردن مسلمانلری اسیرکدی . ناصیل کناهک ارنآ انتقال شایه سندن انمانی تنزیه ایتش سه ، ناصیل رحمت قاپولری هر کلور صیفینانه قارشنی آجیق بولوندورمش سه ، ناصیل بر یوزنی

هر مصلی ایچون مسجد ، کونک یوزنی هر نیازکارانه قبله قیلمش سه قرب الهیسنی ایسته یں عبادینه مآور دعالری ، بدنی عبادت لری اوله ججه ییلدیرمشدر . وقت نمازلری مسلمانلره فرض یوبورهرق ارکانی ، آدانی یوقینه جنی زمان نملر تلاوت اولونه جقی بزله تعام ایتدی . صوکره حنک ارکانی ، اصولی ، آشاعیده بحملاً سوبیه جکمز وجهله واجب ، غیر واجب بولنور عبادت لری عینی صورته اوکرتدی . شاید اسلام بونلری ییلدیرمش اولما ییدی شبه یوقدرکه بزله رجال دیخزیده یهودیلرک ، نصرانیلرک ، حاصلی عبادت لرک طرزنی بیسان ایتش اولمایان بوتون ادیانک رجالی تعقیب ایدمه جکی .

آلهلره قربان ویرمک مسئله نه کلنجه مسلمانلق بونی کوکندن کسیدی . (ان بنال الله لحوما ولادماها ولکن بناله التقوی منکم . - سوره حج) آیت جلیله سیله بوتون مقربلرک یالانلری یوزینه اوردی .

مسلمانلرک حجه ، قربان یارامنده حیوان کسملرینه کلنجه ، دین ابراهیمه قدر جاری اولان انسان بوغازلامسی عادتک دین اسلام اولان دین ابراهیم ایله قالدیریلدیغه شکرانه در ، یاخود فقرای اتفاق ایچوندر ؛ باشقه هیچ برشی دکلدر . برده جوق زمانلر قربان شریعت اسلامیه ده کناهک ، یمینک کفاری اولور وفقرایه طاغیتیلر . بواعتبارایله حکومات حاضره نك مالی وفقدی جزالری کی در . شو فرق ایله که شریعتک تعیین ایتدیکی جزالردن طویلانان ماللر ارباب احتیاجه ویریلر . قانونی جزالردن بریکنلر ایسه حکومتلرک خزینه سنه کبر .

یوقاریده سوبلیدی کمز کی دیانت اسلامیه بی کوندرن خالق حکیم ناصل انسانک مالی ، جانی ظالملرک ، محکمرلرک تعرضدن صیانت ایتش سه عقلی ، وجدانی ده رجال دینک مراقبه سندن اوله ججه مصون بولوندورمشدر . صوکره ، برطرفدن معاملات واحکام اعتبارایله انسانلری ناصل بر سوبیه کتیرمش سه ، دیگر طرفدن افراد بشر آرمسند درجات ایله تفاوت اولمادقجه نظام کائناتک استقرار بولمایه جنی ، اومیدع حکیمک نظر احاطه سندن قاجامش و بزله ابنای آدمک ابدیاً اختلافدن قورتورلما یه جنی و ذاتاً کندی لری بونک ایچون یاراندیغی قرآننده ییلدیرمشدر .

فاطر ذوالجلال بونکله بزه شو حقیق آکلاتق ایستیورکه ثروت ورفاه اعتبارایله بوتون افراد بشرک عینی سوبیه بولومسی ایسته مک بر خیال محالدر ؛ حکمت خلقت قارشنی جهلدر . آرمده بو یوزدن حادث اولان اختلافانی قالدیرمه یه - هی ایسه عقلک نقصانی کوستدر . چونکه او اختلافلر نظام کونک ارکان دوامیدر . اونک ایچون اسلام بو خصوصده قوانین طبیعت ، دساتیر خلقت تمامیه مطابق احکامدن باشقه بر نی تشریع ایتمه مشدرکه بوده پک طبیعیدر . زیرا کرک (فوریه) ، (سن سیمون) (رورت اودین) کی مفرط اشتراکیلرله میدان کونا

کون سیای فوضالرحیقاران بر طاقیم سرسربلرک ضلالاندن طوعه جق
عاقبتلری، کرک بواش، ویکلک بوزیدن روسیہ دہ یوز یتش میلیون
خلقک باشنه کله جک فلاکتلری اسلامک الہی ازلدن بیلورڈی۔
حال بوکہ له ینلر، تروجکیلر، حاصلی بوتون بوحرکتک باشنده بولونانلر
اولہ ظن ایدیورلردی کہ: ریوزینہ بوتون کائناتی قوجاقلا یا جق درجہ دہ
واسع بر شفقت یا یتشلر؛ عدالتک اک متکامل شکلی ابداع ایتشلر؛
انسان یارادیلوب دہ کرک انیتاک کرک ارباب تشریعک وضع و تبلیغ
ایتدیکی تشریعی قبول ایله مقید اولدینی کوندن بی انسانیتک مشتاق
اولدینی سعادت کتیرمشلردی۔

جناب حق بونک هبسنی ازلدن بیلدیکی وامت اسلامی باشقلرینه
اصابت ایدہ جک اونا کون فلاکتلردن قورومق ایتدیکی ایچوندرکہ
احکام شریعتدہ حق تملکک مضمونتی علمہ بر شی کورمبور؛ وافرادی
آرہ سندن عدلی توزیع ایدہ جک، عمومک منافعتہ مطابق حرکتدہ
بولونہ جق، صوکرہ یلیدی یا خود براقدینی ایشلردن طولانی الہک
وعباد الہک قارشیسندن مسئول اولہ جق حکومتلرک ضروری اولدینی
کورر یوز۔

صوکرہ، شریعت فقرانک، بیچارکانک صیتیتیلری تم، بن ایتیمہ
بونلرک رقاء ایچندہ یاشایانلر قارش یسلہ جکلری غیظ و کین حسلری
یورکارندن چیقاریمہ مدار اولہ جق بوتون حرکاتی و ارواحسان،
طابق صوریلہ درکہ کائناتک مقتضای فطرتی اولان تفاوت افراد
ایله مختلف طبقات آرہ سندن کی مناسباتک دوام صافیتی ایچون وضع
ایتش اولدینی تکالیفک بدنی تالیف ایتش اولیور بوندہ شاشیلہ جق
بر شی دکلدر؛ چونکہ اسلام دین فطرتدر، کندیسی ایچون فطرتک
هیچ بر دستورینہ منافی، خلقتک هیچ بر قانونہ معارض اولمق
امکانی اولہ ماز۔

روح ایدہ ماده آرہ سندن موجود
مناسبہ و بونلردہ هر بونلرک دیکری
اوزرنده کی تأثیرینہ و بیلدی اهمیت
آلمش اولسون۔ او حقیقتدہ انسانک روحی ایله ماده سی آرہ سندن کی
موجود ارتباطدن و هر برینک او بری اوزرنده کی تأثیریندن عبارتدر۔
انسانلرک یا خود حیواناتک بر قسمی ات بر، دیکر قسمی دہ
سبز لاله، نباتی غد لاله تغدی ایدر۔ شیمی بو غدالرک بدن اوزرنده
آناری ظاهر اولدینی کی حیات روحیہ و شتون معنویہ دہ مشهود اولور،
کور و یوزر کہ ات ایله تغدی ایدنلر۔ ولو حیوانات سافله طبقه سندن
اولسون۔ قوی بنی، مین عضله لی بولونقدن باشقه هنرمکار اولیورلر،
جسور اولیورلر، روحلرنده عظمتہ، عزتہ میل کورولیور۔

برده عکسفی آلام؛ مثلاً بر آدم دائماً ایچکی قوللانیور؛ عضلاتی،
اعصابی اسپر تو یا واش یا واش زهریله ک صوکنده بی تاب دوشورنجہ
آناری عیاشک هم وجودندہ، هم روحندہ مشاهدہ ایدیلہ یه باشلايور،
ناصیل، بدنک انسجہ سی فساده و پریور، قواسی کیریور، علل
وامراضه و بونلری تولید ایدن قاتل جرثومه لر قارش مقاومتی
کسہرک اولومی تعجیل ایدیورسہ روحی دہ اولجہ متصف اولدینی بر
جوق صفات عالیہ بن عین صورته محروم براقیور۔
مثلاً مسئولیتی ادراک ملکہ سی ضعیفلا یورده باشقلرینک حقوقی،
ناموسنی، چیکنہ مک، مناهیدن بر جوعنی ارتکابدن چکنہ مک
میلی قوللشیور۔ آفیون، اسرار، قوفائن، مورفین کی دیکر مسکراتک
کرک بدن، کرک روح اوزرنده کی تأثیراتی ایسہ فی اثرلر طرفندن
بیلدرلدیکی ایچون هر کسک معلومیدر۔ بوندن باشقه بنیان ایچیلن
شیلرک انسانک حیات روحیہ سندن نہ کی آثار حصوله کتیردیکی
ایضاح مقصدیلہ یازیلش کتابلر وارکہ غدالری، مشروباتی تشکیل
ایدن مختلف عنصرلرک نہ کی وظیفه لری اولدینی، هانکیلرینک بدنہ
کیردکن صوکرہ کیمک، ایلک، سیکر، عضله چالنه کلدیکی بزم
بیلدریور۔ بزم بورادہ اوزون اوزادی یه اوللری صایه جق دکاز۔
آنجق مقصدک قولایجہ آکلاشیله بیلیمسی ایچون رایکی سوز سوبیلہ جکر۔
معلومدرکہ انسانک بدنی فاطر حکیم طرفندن کندیسنہ مودوع
دماغ، حواس واعصاب واسطه سیله نفس ناطقه سہ تبلیغ ایدر بر
ایلچیدر۔ وظیفه تبلیغک سلامتی ایسہ ایچینک سلامتیله متناسب اولمودہ
یک طبعیدر۔ بناء علیہ ایلچی نہ حالده ایسہ ایفا ایدہ جکی تبلیغ دہ
اوکا کورہ صاعلام یا خود سقط، واقعه مطابق، یا خود عکسی اولور۔
مادام کہ اجزای بدن هضم و تمیل ایدیلن بوطیعتی مختلف عناصردن
تشکیل ایدیور، آرتیق بونلری قوللانان انسانلر آرہ سندن وجود،
فکر، روح، اعتباریلہ کورولہ یلہ جک فرقک، مقدارک، تعیین بزم
ایچون قوللابلاشمش دیمکدر۔ بونکله برابر نظافتہ، طرافتہ اعتنا
ایدلش لباسک ویر، جکی کبر و غرور ایله بونک آرہ سندن کله جک
عزت نفس حسنی و ذوق وصفا آرزوسنی بیلیمز دکاز۔

اولہ انسانلر واردرکہ تمیزلکدن محروم بر محیط ایچندہ یتشیدکاری
ایچون روحلری بو سفلیتہ الیشیورده داها بوکسک حیات ایله الفت
ایتشلرک طویه جفی المی هیچ طوبیور۔ انسان کولر، یا خود آغلار؛
قولاغنه ممنون یا خود محزون اولہ جفی بر خبر ایشیر؛ کوزی خوشلانہ جفی
یا خود جبرکین کورہ جکی بر حادثہ یه ایلشیر۔ بناء علیہ روحی درحال
بونلرک ویر، جکی ذوقک یا خود أملك تأثیری آتندہ قالیر، صوکرہ،
کیمسه یوقدرکہ حزن، فرح، کيف، غضب، کین، حسد، محبت، نفرت
وسائرہ کی حالات معنویہ مک حیات مادیہ اوزرنده کی تأثیرینی بیلیمسین۔

دین اسلامی کوندن فاطر حکیم بوتون بونلری وعقل بشرک ابدیاً احاطه ایدمه چکی دها بر جوق حقیقتلری بیلدیکی ایچوندرکه امت محمدک هم بدنی ، هم روحی اصلاح ایدمه چک ، اوکا سعادت دنیا و عقبانی تأمین ایدمه چک بر دیندن محروم قالماسنی ایسته مدی . بناء عیه اسلامک بیه چکه ، ایچه چکه ، کیه چکه ، نکاحه ، دوکونه ، سرورده ، کدره ، قوله ، فعله ، اوطورمایه ، قالممایه ، یامایه ، اویامایه ، سلامه ، کلامه ، خنکه ، صلحه ، حاصلی بشرک بوتون حرکات و سکنات قاریشماقی اویله بر طاقم جامعلرک ظنی کی فضولی بر مداخله دکدر .

حکیم و علم اولان فاطر دواجلال حیاتک بوتون مفرداتی ایچون بشرک فطرتنه تمامیه مطابق اویله آداب اویله ارکان تشریع بو یورمهش که قرآن ایله سنک مخفی طولدوران بو تعلیمات اسلامک دیگر ادیاندن تمایزی تأمین اتمکده در . مع مافیم بوده هیچ شاشیله حق بر شی تاق اولونمالی . زیرا اسلام اویله بر دیندرکه یاشایانه حق حیات ، حساب وریله چک آخرت ، عزت بوله حق نفس ، زنده یاشایا حق وجود ، نفی طوقونه حق فعل ، صلاحی کوریه چک قول ، دوشونه چک عقل ، محاسبه ایدمه چک وجدان ایچون کلشدر .

ایشته اسلام بو مقاصدی تأمین ایچون کلدی . ایشته ایضاحی سبق ایدن حکمتلر دولایسیله درکه علیه الصلاة والسلام اقدمزک تبلیغی حیات دارینه غایت بوتون مفرداتی شامل بولونیوردی . او رسول محترم بشرک سعادت فانیه و باقیه سننی تأمین و سائنای تفصیلاتیله بیلدیردی و « الدنيا مزرعة الآخرة » دتوریه دنیا ایله عقبا آرمینده کی اتصالی کوستردی .

مسلمانای

مانع زنی دکل ، ضامن زقیدر

آمریقا کنجلیتیه ویرلک اوزره اوراده کی مسلمان طلبه مزک رجاری اوزرینه متفکرین علمای اسلامیهدن المالولی حمیدی افندی حضرتلری طرفندن تحریر اولوب آمریقایه کوندربان فونفرانسک صوکیدر :

دین اسلام یالکیز بشریتک وظیفه نقطه نظرندن تهذیبیه اکتفا ایتمهش حق سعادتنده پک بیوک وسعت ویرمشدر . تارک دنیا لغه تشویق ایتمهش ، حیات دنیادن ده استفاده و عمران عالم ایله علاقه دار اولغه ترغیب ایله مشدر . ادیان سالفه انسانلری پک تضییق ایدیور و آغیر تکلیفلره تابع طونیوردی . حال بوکه اسلام قولایلق دیندر . علیه الصلاة والسلام اقدمز [خیر دینکم ایسه] بیورمشدر ، یعنی دینکیزک الک خیرلیسی الک قولای اولاندر . علیه الصلاة والسلام اقدمز [ان الله بهی بالخفیة السمحة ولم یبعثی بالرهانية المتدعه]

بیورمشدر . جناب الله بی ساحتکار بر توحید دین و شریعتیه کوندرمش ، تارک دنیا لقی بدعتی چیقاران رهبانیت ایله کوندرمه مشدر ، دیور . دیگر بر حدیثده جناب الله پیغمبر لرینه نه امر ایتدیسه مؤمنلره ده اونی امر ایتمشدر . پیغمبر لرینه [یا ایها الرسل کلوا من الطیبات واعملوا صالحا] یعنی ای پیغمبر لر تمیز وای شیلردن یه بیکیز و کوزل عمللر یاییکیز دیمشدر . قابا و پریشان البسه کیوب پزمرده بر حلاله بولسان و کیچه کوندوز یارب ، یارب دبیله الله دعا و عبادت ایدن فقط بیدیکی حرام ، ایچدیکی حرام ، کیدیکی حرام اولان کسمه لرک دعالری عندالله مقبول اولمادیقی پیغمبر من بیان بیورمشدر .

اسلامده زهد و تقوانک قیمت دینیسی دیگر ادیانده اولدینی کی نفس بشری بی تعذیب و لذائذ حیاتی بی بسایتون تعقیم صورتیه فطرتنه تماماً ضد بر حرکت اخلاقیه اکتساب ایتک دکدر . تمایلات بشریه ده مشروعیته اعتنا ایتک و حق مرشیده ترجیح ایدرک حقوق الله و حقوق عباد مرعاتی مبدأ حرکت اتخاذا ایتکدر . لذائذ بشریه نک هر بریسی ایچون بر طریق مشروع وارد . و او طریق مشروع ایله استیقای آمال بشریت ایچون مباحدر . [قل من حرم زینة الله التي اخرج لعباده والطیبات من الرزق] سورة اعراف جناب اللهم انسانلر ایچون خلق بیوردینی واستفاده لری ایچون بر طاقم مشروع طریقلر کوستردیکی نعم الهیه دن ، کوزل یمک ، کوزل کیمک و سائر کی مزیتانندن قوللری منع ایدمه چک اولان کیمدر . ینه جناب الله [یا ایها الناس کلوا مما فی الارض حلالاً طیباً ولا تتبعوا خطوات الشیطان] بیوریور . یعنی ای انسانلر یرده کی شیلردن حلال و پاک اوله رقی بیکیز و طرق شیطانییه اتباع ایتیکیز دیور . دیمک که کره ارضده و حق سبوانده مخلوق و منتشر اولان شیلردن استفاده ایتک انسانلر مأذوندلر . آنجق بونلردن استفاده ایدرکن ایکی شیته دقت ایتک لازم کله چکی کی بریسی حلال اولق ، دیکری پاک و تمیز اولمقددر . حلال اولق طریق مشروعی ایله مکتسب اولوب باشقه سنک حق تعلق ایتمه مکله اولور . پاک اولق ایسه شهیدن آزاده ، ماده و معنای طاهر و نظیف بولونمق دیمکدر . انسانلرک کرک جسم و بدنی و کرک عقل و معنویاتی و کرکسه اجتماعیاتی نقطه نظرندن مضراتی داعی اولان شیثلر خیاشدر ، پاک و طیب دکدر . بناء علیه غیرک اموالندن ، حقوقندن استفاده حلال دکدر . کذلک مسکرات و سائر قیلندن شیثلرده پاک و طیب دکدر . بونلره قرآن رجس یعنی خبیث تسمیه ایتمشدر . ساده مسکرات دکل احتیاجات طبعیه دن فضله استعمال اولنان شیثلر بیله حرام اولور . چونکه مادی ویا معنوی ویا اجتماعی حفظ الصحیه منافیدر . طوق ایکن یمک یمک ، صوسزکن صو اچمک بیله مقدو حدر . حسنات ، افراط و تفریط سیته لریمک